

Luis Monn-Monn, Sedrun



Pil davos di dil meins da matg tucca ei da miert. Il zenn annunzia a nus tut la mort da nies convischin sesents en casa da s. Vigeli Luis Monn-Monn da Sedrun. Naschius eis ella ella ucliva da Foppas/Surrein ils 28 d'avrel 1916. Ses geniturs ein stai Gion Antoni Monn e Barla Catrina naschida Curschellas. A Surrein passenta el l'affonza el ravugl d'ina gronda famiglia ensemens cun ses diesch fargliuns. Suenter la viseta dallas scolas si Sedrun serenda il Luis egl jester. Il temps giu la Bassa ei cuorts ed el tuorna a casa e segida culs geniturs el menaschi puril.

Igl onn 1947 meina el la giuvna Tonia Monn agl altar da nozzas. Il Segner benedescha la famiglia cun quater affons, duas buobas e dus buobs. Quels portan buca mo veta en famiglia, mobein era lavur e quitau, sulegl e legria. Il Luis lavura biars onns tier la firma Murer. Ils davos 25 onns da siu temps da lavur s'engascha el tier las pendicularas Sedrun-Rueras SA. Dasperas cultivava el ses hobbys perferi: la catscha, la pesca ed il cavar cristallas. Il Luis ei staus in um persesez, ruasseivels e luvrus. Cun 72 onns vegn el cunfrontaus cun ina greva malsogna. Duront tschun onns vegn el tgiraus cun pazienza e carezia dalla consorta Tonia. Avon biabein treis onns ha el stuiu serender en casa da s. Vigeli. Ils 31 da matg ha il Segner liberau el da ses mals terresters e clamau el a casa. Ils 3 da zercladur vegn el accumpignaus da bia vischinas e vischins, parents ed enconuschents sin siu davos viadi. El rauassi en pasch.